

Pripravnost za uragan (Uzeto iz FEMA Uravana i Državnog centra za uragane: Pripravnost za uragan)

Šta je uragan?

Uragan je tropska oluja sa vjetrovima koji su dostigli konstantnu brzinu od 74 milja na sat ili više. Uraganski vjetrovi pušu u vidu velike spirale oko relativno mirnog centra poznatog kao "oko". "Oko" je uglavnom oko 20 do 30 milja široko, a oluja se može proširiti na 400 milja. Kako se uragan približava, nebo će početi tamniti i vjetrovi će dobijati na snazi. Kako se uragan približava zemlji, sa sobom može donijeti prolome oblaka, jake vjetrove i olujne udare. Jedan uragan može trajati više od dvije sedmice nad otvorenim morem, te može napraviti put kroz čitavu dužinu istočnog primorja. Avgust i septembar su glavni mjeseci za vrijeme sezone uravana koja traje od 1. juna do 30. novembra.

Šta bih trebao raditi?

PRIJE NEGO ŠTO SEZONA URAGANA OTPOČNE

Zaštitite vaše prozore.

Stalne šture su najbolja zaštita. Jeftiniji pristup jeste da se postave paneli od dasaka. Koristite daske od ½ inča – najbolje su mornarske daske – izrezane da se uklope u svaki prozor. Ne zaboravite da označite koja se daska uklapa u koji prozor.

Prethodno izbušite rupe za šarafe na svakih 18 inča. Uradite ovo puno prije početka oluje.

Odsjecite suhe ili slabe grane sa drveća.

Provjerite osiguranje od poplava.

Možete saznati o Državnom programu za osiguranje od poplave putem vašeg lokalnog osiguravajućeg agenta ili menadžment ureda za hitne slučajeve. Uglavnom je potrebno da prođe period od 30 prije nego što nova polisa postane validna.

Osiguravajuće polise za vlasnike kuće ne kompenziraju štetu nastalu od poplava koje prate uragan.

Razvijte plan komunikacije za hitne slučajeve.

U slučaju da se članovi obitelji rastave jedni od drugih za vrijeme katastrofe (stvarna mogućnost u doba dana kada su odrasli na poslu, a djeca u školi), unaprijed organizirajte plan da se ponovo spojite.

Pitajte rođaka ili prijatelja van države da služi kao “kontakt osoba za obitelj”. Nakon katastrofe, često je lakše zvati van države. Provjerite da svi u familiji znaju ime, adresu i telefonski broj kontakt osobe.

ZA VRIJEME MOTRENJA NA POJAVU URAGANA

(Oprez na pojavu uragana se izdaje kada postoji opasnost od uraganskih uslova unutar 24 do 36 sati.)

Slušajte radio koji radi na baterije, ili televiziju kako bi čuli izvještaje o napredovanju uragana.

Provjerite rezerve za hitne slučajeve.

Napunite auto gorivom.

Unesite predmete koji inače stoje vani, kao što su namještaj za dvorište, igračke i alat za baštu, te usidrite/privežite predmete koji se ne mogu unijeti u kuću.

Osigurajte svoju imovinu tako što ćete zatvoriti i daskama obložiti prozore. Odstranite vanjske antene.

Naštimate frižider i zamrzivač na najhladniju temperaturu. Otvarajte ih samo kada je to apsolutno neophodno i brzo ih zatvarajte.

Napunite pitkom vodom čiste kade, bokale, flaše i posuđe za kuhanje.

Pohranite vrijednosti i lične dokumente u vodootpornu kutiju na najvišem nivou u vašem domu.

Pregledajte plan evakuacije.

Čvrsto lengerišite/privežite čamac, ili ga pomaknite na već određeno sigurno mjesto. Koristite konopac, ili lanac, kako bi privezali čamac za prikolicu. Koristite vezanje čvorovima, kako bi usidrili prikolicu na zemlju ili uz kuću.

ZA VRIJEME UPOZORENJA NA URAGAN

(Upozorenje na uragan se izdaje kada se uraganske prilike (vjetrovi od 74 milja na sat

ili više, ili opasno visoki nivoi vode i nemirno more) očekuju za naredna 24 sata, ili manje.

Stalno slušajte radio koji radi na baterije, ili televiziju kako bi čuli zvanične upute.

Ako ste u pokretnoj kući, provjerite koliko je dobro uzemljena i odmah se evakuirajte.

Izbjegavajte liftove.

Ako ste kući:

Ostanite unutra, daleko od prozora, prozora u potkrovlju i staklenih vrata.

Držite spremnu rezervu ručnih svjetiljki i dodatnih baterija. Izbjegavajte izvore otvorenog plamena, kao što su svijeće i kerozinske lampe, kao osvjetljenje.

Ako nestane struje, ugasite glavne kućanske aparate, kako bi umanjili “udar” struje kada se struja vrati.

Ako zvaničnici izjave da je evakuacija neophodna:

Otiđite što brže. Izbjegavajte poplavljene puteve i pazite na vodom oštećene mostove.

Učinite vaš dom sigurnijim isključivanjem kućanskih aparata, gašenjem struje i zavrtnjem glavnog ventila za vodu.

Recite nekome van radijusa oluje gdje idete.

Ako vrijeme to dozvoli, a vi živite u identificiranoj zoni udara, podignite namještaj kako bi ga zaštili od poplave, ili, još bolje, premjestite ga na viši kat.

Uzmite prethodno pripremljene zalihe za slučaj nužde, toplu zaštitnu odjeću, deke i vreće za spavanje i ponesite ih sa sobom u sklonište.

Zaključajte kuću i otiđite.

NAKON OLUJE

Slušajte lokalne radio stanice kako bi čuli informacije.

Vratite se kući jedino ako vlasti savjetuju da je sigurno da se tako postupi.

Izbjegavajte olabavljene, ili žice koje vise i odmah izvjestite o njima elektro distributera, policiju ili vatrogasce.

Pažljivo uđite u vašu kuću. Pazite na zmiје, insekte i životinje koje je poplavna voda dovela do uzvisine.

Otvorite prozore i vrata kako bi izračili i osušili vaš dom.

Provjerite da li su se stvari iz frižidera pokvarile.

Slikajte štetu koja je načinjena, i na kući i njenom sadržaju, kako bi mogli tražiti naplatu od osiguranja.

Vozite jedino ako je to apsolutno neophodno i izbjegavajte potopljene puteve i oštećene mostove.

Koristite telefon samo za hitne pozive.


PREGLED INSTALACIJA U OŠTEĆENOM DOMU

Provjerite da li je došlo do ispuštanja plina – ako možete namirisati plin, ili ako čujete zvuk sličan puhanju ili šištanju, otvorite prozor i brzo napustite zgradu. Ako možete, zavrnite plin na glavnom vanjskom ventilu i nazovite plinskog distributera od vašeg susjeda. Ako zavrnete plin iz bilo kojeg razloga, mora ga ponovo otvoriti profesionalac.

Pregledajte ako je došlo do oštećenja električnog sistema – ako vidite varnice, ili pokidane ili iskrzane žice, ili ako namirišete vruće izolacije, isključite struju na glavnoj kutiji osigurača ili prekidaču strujnog kola. Ako morate zagaziti u vodu kako bi došli do kutije sa osiguračima ili prekidača strujnog kola, prvo nazovite električara i posavjetujte se s njim.

Provjerite da li su kanalizacija i vodovod oštećeni – ako sumnjate da su linije kanalizacije oštećene izbjegavajte korištenje toaleta i nazovite vodoinstalatera.

OPREMA KOJOM SE TREBA SNABDJETI ZA SLUČAJ KATASTROFE *DISASTER SUPPLY KIT*

 **Voda** – bar jedan galon vode po osobi za period od 3 do 7 dana

- ✓ **Hrana** – dovoljno da traje bar 3 do 7 dana
 - hrana/sokovi u konzervama ili u pakovanjima u kojima se ne mogu pokvariti
 - hrana za novorođenčad ili starije
 - grickalice
 - otvarač za konzerve koji ne radi na struju
 - sredstva za kuhanje/ gorivo
 - papirni/plastični tanjuri/ plastični pribor
- ✓ **Deke/ Jastuci, itd.**
- ✓ **Odjeća** – sezonska / oprema za kišu/ kvalitetne nepropusne cipele
- ✓ **Kutija za prvu pomoć / lijekovi/ propisani lijekovi**
- ✓ **Posebni proizvodi** – za bebe i starije osobe
- ✓ **Kozmetika/ higijenske potrepštine/ Vlažne maramice**
- ✓ **Ručna svjetiljka/ Baterije**
- ✓ **Radio** – koji radi na baterije
- ✓ **Gotovina** – Banke i bankomati (ATM mašine) mogu biti zatvorene, ili nedostupne na duži vremenski period.
- ✓ **Ključevi**
- ✓ **Igračke, knjige i igre**
- ✓ **Važni dokumenti** – u vodootpornoj kutiji – osiguranje, zdravstveni dokumenti, brojevi bankovnih računa, kartica socijalnog osiguranja, itd.
- ✓ **Alat** – za vrijeme oluje držite set alata blizu sebe
- ✓ **Napunjeni rezervoari goriva u vozilima**
- ✓ **Predmeti za brigu o ljubimcima**
 - ispravni identifikacijski dokumenti/ dokumenti o imunizaciji/ lijekovi
 - dovoljne rezerve hrane i vode
 - nosiljka ili kavez
 - brnjica i kaiš